

# UMP rangkul anugerah di London

Tiga penyelidik, dua mahasiswa masing-masing raih lima pingat, empat anugerah khas

DIANA SURYA ABD WAHAB

PEKAN - Lima penyelidik **Universiti Malaysia Pahang (UMP)** berjaya mengharumkan nama universiti tersebut melalui kecemerlangan dalam penyelidikan di Pameran Penyelidikan British Invention Show 2017, Sabtu lalu.

Naib Cancellor UMP, Profesor Datuk Dr Daing Nasir Ibrahim berkata, mereka yang terdiri daripada tiga pensyarah dan dua mahasiswa itu telah meraih lima pingat emas dan empat anugerah khas, *double gold*, *diamond* dan *platinum* yang berlangsung di Barbican Exhibition Centre, London.

Jelasnya, semua penyelidikan tersebut terpilih berdasarkan kejayaan yang telah mendapat pengiktirafan melalui beberapa pertandingan peringkat nasional di samping mempunyai potensi untuk dikomersialkan.

"Kejayaan ini merupakan pe-



Daing (tengah) hadir bersama meraiikan barisan penyelidik UMP yang berjaya meraih lima pingat emas dan empat anugerah khas dalam Pameran Penyelidikan BIS 2017 di Barbican Exhibition Centre, London.

mangkin kepada para penyelidik UMP untuk cipta produk yang dapat dikomersialkan dengan menghasilkan produk dan teknologi yang berpotensi untuk dimanfaatkan umum.

"Melalui cara ini mereka akan lebih bersemangat untuk berusaha lebih gigih dalam membuktikan ke-

cemerlangan bukan sahaja peringkat nasional malah hingga ke peringkat antarabangsa," katanya.

Beliau berkata demikian dalam satu sidang media meraiikan kecemerlangan penyelidik di UMP Kampus Pekan, di sini, semalam.

Antara penyelidikan yang berjaya, projek peningkatan produktiviti untuk

kesihatan melalui penggunaan cecair *coolant* dan inovasi pembangunan teknologi pendidikan dalam mempelajari bahasa Mandarin.

Selain itu turut berjaya dalam penyelidikan melalui perisian komputer untuk membantu menjana set ujian yang lebih efisien, perlindungan ketretapi automatik dan inovasi gabung-

• Pameran Penyelidikan British Invention Show 2017, berlangsung 21 Oktober lalu

an tenaga solar dan angin sebagai sumber tenaga utama.

Dalam pada itu, menurutnya, pihaknya turut mencari peluang dalam memperkenalkan produk-produk hasil inovasi tersebut ke dalam industri.

"Setakat ini, UMP mempunyai kira-kira 10 senarai produk di bawah Community Technology Solition yang ditubuhkan untuk dibantu bagi mengomersialkannya.

"Tanya mendasari pelaksanaan Pelan Strategik UMP 2016-2020 bagi membangunkan potensi dan daya saing dengan membawa ilmu pengetahuan dan teknologi ke lapangan masyarakat," katanya.